

Ulloq: 09.10.17

Uunga siunnersuut: Imaanut inatsisip allannguutai pillugit inatsisit kunngikkormiunit peqqussuteqartoqarneratigut Kalaallit Nunaannut atuuttussanngortitsinissaat pillugit Namminersorlutik Oqartussat oqaaseqaateqarnissaannik Inatsisartut aalajangiiffigisassaat.
(Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoq)

Imaanut inatsisip allannguutai Kalaallit Nunaannut atuuttussanngortinneqarniarneri maanna saqqummiuneqartut Siumumiit nuannaarutigaaqut. Tassami maanna imaanut inatsit atuuttoq 2004-meersoq, arlalittugut ullutsinnut naleqqussagassanngorsimasoq Naalakkersuisut saqqummiussaanni malunnarmat. Imaanut inatsit nunatsinni imarsiortunut aammalu imarsiorluni angalasunut nunatsinniittunut pingaaruteqarpoq.

Ilaatigut Naalakkersuisup saqqummiinermi allannguutit pingaarnertit taakkartorpai. Taamaattoq malunnarpoq tusarniaanermi akissuteqaatit eqikkaraanni, oqariartuutaasoq nuannaarutigineqartoq kiisami imaanut inatsit nutarterneqarmat.

Naak tusarniaanermi inatsit pineqartoq allanngortinnissaanut tunngavissiiingikkaluartoq, ukiut amerlangaatsiartut allanngorani nunatsinni atuussimanera inatsit nutartillattaarneqarsimagaluartoq Danmarkimi, nunatsinni sivisuallaarsorinarpoq malinnaatinneqarsimannginnera.

Siumumiit isumaqarpugut imaani inuussutissarsiorneq eqqarsaatigalugu pissutsinut allanngorarsinnaasunut malinnaatinneqarnerunissaa, ukiut taama amerlatigisut uninngatinneqartarnera pinaversaartariaqartoq.

Taamatut oqaaseqarluta aaliangiiffissatut siunnersuut taama isikkoqartillugu Siumumiit ilalerparput.

Qujanaq.

Jens-Erik Kirkegaard

Siumut